

易數鉤隱圖序

三 衝 劉 牧 撰

重一

夫易者陰陽氣交之謂也若夫陰陽未交則四象未立八卦未分則萬物安從而生哉是故兩儀變易而生四象四象變易而生八卦重卦六十四卦於是乎天下之能事畢矣夫卦者聖人設之觀於象也象者形上之應原其本則形由象生象由數設捨其數則無以見四象所由之宗矣是故仲尼之讚易也必舉天地之極數以明成變化而行鬼神之道則知易之為書必極數以知其本也詳夫注疏之家至于分經析義妙盡精研及乎解釋天地錯綜之數則語雖簡略與繁辭不偶所以學者難曉其義也今採摭天地奇偶之數自太極生兩儀而下至于復卦凡五十五位點之成圖於遂圖下各釋其義庶覽之者易曉耳夫易道淵邃雖往哲難窺於至賾者也叢生祖述誠媿其狂簡然則象有定位變有定數不能妄為之穿鑿耳博雅君子試為詳焉

易數鉤隱圖卷上

太極第一



太極無數與象今以二儀之氣混而為一以畫之蓋欲明二儀所從而生也

太極生兩儀第二



經曰易有太極是生兩儀太極者一氣也天地未分之前元氣混而為一一氣所判是曰兩儀易不云乎天地而云兩儀者何也蓋以

兩儀則二氣始分天地則形象斯著以其始分兩體之儀故謂之兩儀也何以明其然略試論之夫氣之上者輕清氣之下者重濁輕清而圓者天之象也重濁而方者地之象也茲乃上下未交之時但分其儀象耳若二氣交則天一下而生水地二上而生火此則形之始也五行既備而生動植焉所謂在天成象在地成形也則知兩儀乃天地之象天地乃兩儀之體爾今畫天左旋者取天一天三之位也畫地右動者取地二地四之位也分而各其處者蓋明上下未交之象也

天五第三

天一地二天三地四此四象生數也至于天五則居中而主乎變化不知何物也強名曰